

Ured koordinatora za reformu javne uprave (u daljem tekstu: Ured) Vrazova broj 9., 71 000 Sarajevo, kojeg zastupa koordinador za reformu javne uprave Doc.dr Dragan Ćuzulan (u daljem tekstu: Kupac)

s jedne strane

i

LANACO d.o.o. Banja Luka , kojeg zastupa Nebojša Ninić (u daljem tekstu: Prodavac)

s druge strane

zaključuju sljedeći:

UGOVOR O KUPOPRODAJI ROBA

Član 1. (Predmet ugovora)

(1) Predmet ovog ugovora je nabavka roba i usluga za realizaciju projekta „Nadogradnja i uspostavljanje sistema za e-sjednice vlada“, odnosno nabavka i isporuka roba sa karakteristikama opisanim u tehničkoj specifikaciji koja je data u ponudi ponuđača broj:PO-01-9113/16 od 26.12.2016.godine, te implementacija svih aktivnosti iz Komponente I i Komponente II, a koje su detaljno opisanim u tački 4.2. Projektnog zadatka iz Priloga I ovog Ugovora i sadržaja Ponude Izvršioca.

(2) Kupac i prodavac saglasni su da prodavac izvrši isporuku i instalaciju roba sa karakteristikama opisanim u tehničkoj specifikaciji koja je data u ponudi ponuđača broj:PO-01-9113/16 od 26.12.2016.godine, i realizaciju usluga koje su opisane u Komponentama I i II, odnosno u tački 4.2. Projektnog zadatka iz priloga I ovog Ugovora i sadržaja Ponude Izvršioca, u ime i za račun Kupca, a u korist korisnika sistema za e-sjednice vlada i sistema za komunikaciju i kolaboraciju Vlade Republike Srpske, Sektora za IT Vlade Republike Srpske (krajni korisnik) i korisnika sistema za e-sjednice vlada i sistema za komunikaciju i kolaboraciju Vlade BD BiH, Pododjeljenja za informatiku Vlade Brčko distrikta BiH (krajni korisnik).

Član 2. (Cijena)

- (1) Ukupna vrijednost za robe i usluge iz člana 1. ovog Ugovora iznosi 1.152.918,00 KM (slovima: jedan milion stotinupedesetdvijehiljadedevedevetstotinaosamnaestkonvertibilnih maraka) sa porezom na dodanu vrijednost (PDV).
- (2) Cijena roba i usluga iz prethodnog stava ovog člana uključuje:
 - a) Nabavka i isporuka specificirane opreme i licenci iz tačke 4.2. Projektnog zadatka sa karakteristikama opisanim u tehničkoj specifikaciji koja je data u ponudi ponuđača broj: PO-01-9113/16 od 26.12.2016. godine, u iznosu od 730.000,00 KM (slovima: sedamstotinatridesethiljada konvertibilnih maraka).
 - b) Troškove nabavke usluga opisanih u tački 4.2. Projektnog zadatka, u iznosu od 235.400,00 KM (slovima: dvijestotinetridesetpethiljadacetiristotine konvertibilnih maraka).
 - c) Troškove usluga koji spadaju u kategoriju pratećih troškova u maksimalnom iznosu od 20.000 KM bez PDV-a (slovima: dvadesethiljada konvertibilnih maraka). Prateći troškovi za usluge su bliže opisani u tački 6.4. Projektnog zadatka koji predstavlja sastavni dio ovog Ugovora.
 - d) PDV za usluge iz tačke a) b) i c) ovog stava u ukupnom iznosu od 167.518,00 KM i popust u iznosu od 0 KM (ukoliko se isti odobrava).
- (3) Plaćanje za usluge iz kategorije pratećih troškova, mora prethodno odobriti Kupac po osnovu ispostavljenog pisanog zahtjeva Prodavca, u svakom pojedinačnom slučaju gdje se traži trošenje ovih sredstva. Osnov za plaćanje usluga iz kategorije pratećih troškova predstavlja prihvaćena Ponuda i terminski plan projektnih aktivnosti koji će Prodavac usaglasiti sa Kupcem u periodu pripreme početnog izvještaja.

Član 3. (Način plaćanja)

- (1) Kupac se obavezuje da će ugovoreni iznos za izvršene aktivnosti iz člana 1. stav ovog Ugovora, isplatiti Prodavcu na poslovni račun broj: **555-007-00000-553-53** Nova banka a.d. Banja Luka
- (2) Plaćanja će biti izvršena u skladu sa Općim uslovima i dinamikom izvještavanja predviđenom projektnim zadatkom, odnosno početnim izvještajem projekta.

Član 4.
(Realizacija Ugovora)

Robe i usluge će biti realizovane u skladu sa prihvaćenom Ponudom Izvršioca i elementima koji dodatno budu usaglašeni kroz početni izvještaj Prodavca, a koji se podnosi na odobrenje Kupcu, na način i u vremenu koji su utvrđeni Projektnim zadatkom, usaglašenim početnim izvještajem Prodavca i u skladu sa Opštim uslovima Ugovora.

Član 5.
(Mjesto izvršenja Ugovora)

Prodavac se obavezuje implementirati projektne aktivnosti iz člana 1. Ugovora, odnosno nabaviti i isporučiti robu sa karakteristikama opisanim u tehničkoj specifikaciji koja je data u ponudi ponuđača broj:PO-01-9113/16 od 26.12.2016.godine, te realizovati usluge predviđene Komponentom I i Komponentom II, a koje su detaljno opisane u tački 4.2. Projektnog zadatka iz Priloga I ovog Ugovora i sadržaja Ponude Izvršioca na adresu institucije korisnika, Sektora za IT Vlade Republike Srpske (krajnji korisnik) i Pododjeljenja za informatiku Vlade Brčko distrikta BiH (krajnji korisnik).

Član 6.
(Način isporuke)

Obaveza Prodavca je da robu iz člana 1. ovog Ugovora isporuči na adresu institucije korisnika naznačenu u članu 5. ovog Ugovora i da u primjerenom roku, koji nije kraći od tri dana prije dana isporuke, obavijesti instituciju korisnika o datumu isporuke robe, a sve u skladu sa zahtjevima iz projektnog zadatka koji predstavlja prilog I Ugovora.

Član 7.
(Obaveze prodavca)

- (1) Prodavac je obavezan obezbijediti sve organizaciono-tehničke pretpostavke za realizaciju predmeta ugovora u skladu sa zahtjevima Kupca, i iste realizovati prema uslovima iz projektnog zadatka, prihvaćenog početnog izvještaja i prihvaćene Ponude Prodavca.
- (2) Ukoliko Prodavac koristi softver trećih strana mora, prije zaključenja ovog ugovora, dostaviti potvrdu proizvođača tog softvera da je ovlašten za nudenje, instaliranje i održavanje ponuđenog softvera te obezbijediti adekvatan broj licenci koje moraju biti ukalkulisane u ukupnu vrijednost ponude.

- (3) Po završetku ugovora, svaki upravni nivo će sklopiti pojedinačne ugovore o održavanju softvera za period od 12 mjeseci, koje će Prodavac realizovati besplatno. Prodavac će tako biti obavezan za svaki upravni nivo osigurati godinu dana besplatne podrške na licu mjesta, nakon konačnog stavljanja sistema u pogon s vremenom odziva od 2 sata, s radnim vremenom od 9.00 - 17:30, 5 dana sedmično. Mora postojati proces prijavljivanja grešaka, gdje su greške svrstane u kategorije kako je navedeno u projektnom zadatku 8.1 Posebni zahtjevi (Prilog IUgovora). Tokom ovog perioda, Prodavac će pružiti podršku u punom vremenu u obliku konsultacija, pomoći i savjeta i pripremiće korisnike da preuzmu ovu funkciju od Prodavca nakon što se ugovor završi. Tokom ovog perioda, korisnici moraju biti potpuno osposobljeni u svim aspektima softvera.
- (4) Prodavac će osigurati da će sistemi raditi u skladu sa zahtijevanim funkcionalnostima i tokom perioda održavanja sve ispravke grešaka u sistemu će izvođač obezbijediti besplatno. Održavanje sistema mora uključivati sljedeće:
- Korektivno održavanje - troškovi zbog mijenjanja softvera kako bi se riješili problemi otkriveni nakon početne implementacije.
 - Adaptivno održavanje - troškovi zbog mijenjanja softverskog rješenja kako bi se omogućilo da ostane učinkovito u promjenljivom poslovnom okruženju.
 - Perfektivno održavanje - troškovi zbog poboljšanja ili povećanja softverskog rješenja za poboljšanje ukupnih performansi.
 - Poboljšanja - troškovi zbog stalnih inovacija.
- (5) Nakon isteka besplatnih jednogodišnjih ugovora o održavanju, svaki upravni nivo mora imati mogućnost produženja istih. Prodavac će biti dužan da, u dogovoru sa predstavnicima krajnjih korisnika, usaglasi cijene takvih usluga. Godišnja cijena ukupnog održavanja sistema za dva nivoa vlasti ukupno neće prelaziti 15% od vrijednosti sklopljenog ugovora bez troškova opreme.
- (6) Prodavac garantuje da će obezbijediti dostupnost softverske podrške po završetku Ugovora u periodu od najmanje 5 godina, odnosno da će obezbijediti kapacitete za eventualnu nadogradnju, ispravke i podršku u funkcionisanju instaliranog softvera u navedenom periodu.
- (7) Za instalaciju hardware-a, ponuđač mora dostaviti potvrdu prije zaključenja ugovora proizvođača tog hardware-a da je ovlašten za nudenje, instaliranje i održavanje ponuđenog hardware-a.

